

“Enfermería ta un partner esencial den salubridad”

## Minister dr. Alex Schwengle ta felicita ODEA cu celebracion di nan 25 aniversario



ORANJESTAD (AAN): E organisacion local di enfermeronan, ODEA, ta celebrando su di 25 aniversario di existencia e aña aki. Minister dr. Alex Schwengle tabata invitado na e prome celebracion en

relacion cu e aniversario di plata di ODEA, unda cu a reuni tur e presidentenan y miembronan di directiva cu a forma parti di liderazgo di e organisacion for di su fundacion te cu awendia.

Como e mandatario encarga

cu e cartera di salubridad, pero tambe como colega, Minister Schwengle a expresa palabranan di aprecio y admiracion pa e trabao di ODEA y nan acercamento pa cu su persona como minister, pero tambe pa cada persona cu scoge e profesion di enfermero.

“Nan tambe ta un partner esencial den cualkier dialogo cu lo bin over di salubridad,” el a bisa, añadiendo cu e ta contento cu e bon relacion cu ta existi entre ODEA cune como minister. Minister Schwengle a splica cu ODEA a muestra hopi interes pa aporta den proceso di traha riba calidad di salubridad na Aruba.

“Mi tin hopi respet y admiracion pa nan trabao. Nan trabao ta hopi duro, e ta rekeri hopi curason y dedicacion,” Minister Schwengle a bisa.

El a splica e importancia di e funcion di enfermeronan den hospital y e sistema di cuido cu un ilustracion cu el a discuti cu su coleganan especialista den pasado. Aki a bin dilanti cu si saca tur dokter for di hospital, e instancia lo bira manera un verpleeghuis, o sea un cas di cuido; pero si saca tur enfermero di hospital, “bo no tin nada”. Minister Schwengle a añadi cu e contacto y relacion di e enfermero cu e pashent ta hopi intensivo y e enfermero ta experiencia y pasa den e bon y den malo cu su pashentnan. Pa loke ta e dokter, sigur e tin un experiencia y relacion cu tur su pashentnan tambe, pero e intensidad ta menos cu di e enfermero.

Minister dr. Alex Schwengle ta felicita ODEA y tur su miembronan, directiva, fundadonan y tur persona


envolvi di un forma of otro den sostene e asociacion valioso aki cu nan di 25 aniversario. E mandatario ta encurasha e organisacion pa crece den miembresia y asina crece tambe den nan aporte pa loke ta salubridad na Aruba.

Minister Schwengle a expresa di kier traha hunto na e calidad di enfermería y tambe na hisa e cantidad y calidad, o sea specialisacion den e ramo aki na Aruba. E mandatario y ODEA a discuti caba entre otro cu ta importante pa conduci un investigacion completo na Aruba, pa loke ta e necesidadnan di e profesion aki na nos isla, tanto pa loke ta hospital,

no bira malo mes den casonan cu ta enfermedadnan cu por wordo evita.

E presidente a comenta cu durante cu e tabata preparando pa e encuentro cu e miembronan di directivanan anterior, el a repasa e metanan cu ta stipula den e statutonan di e ODEA. Su conclusion ta cu e vision di uni enfermeronan den nan profesion y progreso di e profesion a wordo logra y ta wordo logra. Y, durante di e encuentro ora a sinta hunto, wak potret y corda tur loke a wordo logra, por bisa cu tabatin hopi logro.

Sra. Sharline Tromp a bisa cu e ta sinti hopi satisfecho y hopi orguyoso di por ta



como otro instancianan. Asina por uza e resultadonan di e investigacion pa traha hunto pro activamente riba solucionnan y oportunidadnan y evita retonan den futuro.

Presidente di ODEA, Sra. Sharline Tromp a splica cu sondeonan ta muestra cu na aña 2020 lo tin un escasez di 1 miyon enfermero na Merca so y esaki lo tin su influencia pa Aruba tambe. El a bisa cu enfermería ta un “roeping”, pero en realidad tur hende tin e roeping aki, cual ta demostra su mes na momento cu un serkeri bira malo y e personanan cu ta rond di dje ta encarga nan mes cu su cuido.

Loke ta resalta si, segun Sra. Sharline Tromp ta cu ta falta informacion y cu cuido di enfermedadnan mester ta bao di guia di un dokter of otro profesional medico y mester duna nos comunidad e informacion y instrumentonan corecto pa ta bon informa con pa duna e cuido miho dirigi riba e enfermedad.

E parti di prevencion den e rol di ODEA den comunidad por resalta mas y asina lo por yuda pa nos hendenan no bira malo mas, pero tambe pa nan

presidente awe di ODEA y esaki mester conta tambe pa tur esunnan cu a forma parti di e directiva y a mantene e mision bibo durante e 25 añanan di existencia di ODEA. “No tin otro hende pa lanta pa bo si no bo mesun profesion,” el conclui bisando.



**URGENTE!!**

**Animal Rights Aruba** ta buscando un bon famia pa adopta e pushi aki. Si bo persona ta interesa yama of whatsapp henter dia na **593-5525** of yama na **594-7018** of bishita nos FB page.

